

四庫全書

集部

欽定四庫全書

集部

運甓漫稿卷三

四

詳校官編修臣翟槐

中書臣劉源溥覆勘

總校官庶吉士臣何思鈞

校對官中書臣李荃

謄錄舉人臣孫炯

欽定四庫全書

運甓漫稿卷三

明 李昌祺 撰

五言律詩

登天華觀

玉洞開仙館丹梯軼世氛天書餘鳥篆雲笈護龍文靈境蕭臺近空歌下界聞俗人如可避不必問桃源

春日山中尋泉

春泉試獨尋度壑復穿林忽見流紅遠方知入翠深色  
渾因悟雨聲淡只宜琴盥弄忘歸去窮源空有心

擬唐塞下曲八首

沙塵漲北天衛霍出居延苦霧埋沙磧窮荒乏水泉戰  
酣鼙鼓壯戍久鐵衣穿試上長城望中原若箇邊

羽箭鴈翎刀風沙北地豪弓開關月滿鵬沒陣雲高勁  
騎三邊出匈奴一夕逃將軍方得意新拜璽書褒

鐵騎蹴交河銜枚半夜過雪花凝鎖甲月色冷雕戈小

醜俱亡命連營盡凱歌至今青冢骨猶恨與通和  
十五去防秋于今已白頭一身猶是卒諸將久封侯部  
伍嫌羸病親知識壯遊寒燈孤戍裏揮淚看吳鈎

久在邊城裏風霜不可論六親皆骨朽百戰偶身存烽  
燧連天暗沙塵憚日昏征人家萬里誰弔國殤魂

犬戎窺近塞羽檄發精兵不識沙場苦焉知性命輕饑  
鷹投古壘疲卒卧空營日暮轅門裏愁聽鼓角聲

塞馬嘯悲風旌旗慘澹中衛青持左鉞李廣在前鋒壯

士俱亡命朝廷重論功將軍承寵詔天子錫新封  
秋霜劍在腰曾事霍嫖姚諸將威無敵全軍氣不驕  
弓鳴驚過鴈砲響走樓船敢憚窮邊苦天家雨露饒  
大漠陰山外霜天氣候殊陰沙明遠燐寒日慘窮廬北  
闕無來使中原少得書凱歌今未奏壯士誓捐軀

病起遣興

羸弱怯衣單徐行覺尚難平和欣脉復疎懶喜身閒古  
硯從教洗孤琴久未彈朝衣如可解歸去卧秋山

送人南歸四首

離絃兼楚調忍向醉時聞連歲長爲客他鄉更別君鷗  
波明夕照鴈字寫秋雲迢遞還鄉夢相隨過海門

百年同旅寓大半在殊方白髮羞明鏡青山問故鄉落  
霞秋水闊新鴈暮天長安得隨君往溪南訪草堂

候館停杯處扁舟欲發時歸帆投遠浦斜日隱層陴暑  
退秋來早潮生月上遲經行逢勝槩都付酒兼詩

年年長在客北蘓復南京秋雨滄洲鴈春風采石鶯好

山環故里流水背孤城去住無拘繫閒身到處輕

夜坐彭贊禮竹塢二首

獨坐依修竹秋聲近戶多疎鍾清紫禁涼露濕銀河野  
飯思薇蕨儒衣想芰荷小山招隱意藂桂有遺歌

靜夜涼風動林疎宿鳥驚玉繩低萬戶銀漢轉三更露  
重綺衣薄香浮茗碗清班姬紈扇曲此際最關情

送沈太守之雲南

滇陽南望迥五馬引雙旌鳥道雲邊斷猿聲月下清點

江通遠海慙樹擁孤城已是諸侯貴母論萬里行

送謝明府之桃源

楚地佳山水桃源境更幽汀蘭行處採湘水抱村流門掩山城暮蟬鳴驛樹秋昔人遺洞在騎馬一來遊

紅葉

染樹初凝茜連林漸積丹露漿消黛色霜片妬朱顏菊避重陽艷花羞二月殷娥眉爭拾取題字寄人間

送周編修姪還文江

落景照離筵華音促別絃老親長日念遊子幾時還玉  
雪中郎貴青春小阮賢重來拾瑤草遲爾五雲邊

送王僉事之湖廣

江漢維南紀星辰近太微地分方嶽重官到憲臺稀遠  
水連秋澗輕帆徹夜飛人生驄馬貴好是繡爲衣

寄劉三髦五首

劉子窮經處柴門野水濱俗人那可到往哲自相親道  
在寧論命家空不歎貧幽棲如可遂遲子結南隣

吾愛劉公子渾如漢士風古心真自得高操更誰同綠  
水溪邊舫朱絃膝上桐我慚簪組累不得遠相從

濯足清潭裏移家碧澗邊非關傲軒冕自是愛林泉野  
鶴閒同往溪雲靜與還東山謝安石何日起高眠

才俊青雲早嗟君獨出遲寧甘身未達不與世相知霜  
月隣僧磬涼風野客棋懷人在天末無地寫幽思

剗書多日下猶卧碧山隈只歎相如病空淹賈誼才窓  
虛雲自宿門掩鶴初回好在禾川上應愁驛騎催

題世德樓

高樓無四隣闌檻逼秋旻創造懷先代登臨屬後人水  
雲供遠眺山月共清貧羨爾丘中士雲霄寄此身

送王知州赴祿勸

行盡天涯路點南尚幾州孤城藏萬壑殘月在扁舟劍  
閣雲邊斷巴江樹杪流雨回經鳥道應記舊曾遊

送梁僉事還蜀二首

臘盡催行色天涯起別愁暮雲遮雨濕寒水帶水流鳥

道青驄馬烏臺紫笏裘漢廷諸俊彥風裁范滂優

行人冒曉霜白簡繡衣裳復任辭三殿觀風動一方秋

林黃葉暗春水碧芹香杜子留遺跡煩君訪草堂

送劉教諭還沛縣

相望渾未遠相會竟難常交態貧如故離情醉慙忘淮  
流通海近豐樹入雲長羨爾官非賤橫經漢祖鄉

送人還永豐二首

迢遞京華道蕭條歲晏時江風寒釀雪淮水夜流澌遠

浦帆來小殘鍾鳥去遲  
瀧岡天下重歐子有穹碑  
臘盡促歸撓離魂黯欲消  
故園頻在望知已邈難招  
燈火江村市梅花野岸橋  
行邊憐寂寞況值雨蕭蕭

送鄧宗經還永新訓導二首

相逢疑是夢乍見總堪憐  
良會來天上長貧在客邊  
青雲違故舊華髮感流年  
明發征帆去依然各一天

十載留京國三年別故人  
賈生猶未達鄭老尚居貧  
燈火艤宮夕荔蒲野水春  
誰知他域別淒斷更傷神

寄蕭教諭三首

見說崑山縣孤城，在水鄉汎潮通海近。雲樹接吳長夏暑，圩田熟秋陰學舍涼。年年春色裏桃杏爛宮牆。

縣齋蒲葦裏鷗鷺與相親，衆水春環舍孤峰。晚對人海鮮便久客儒服稱閒身，肯念同袍者緘書莫厭頻。

身名俱未達，朋舊故應疎。多病惟高枕，何人慰索居。縱鱗思曠野，疲馬倦長途。誰似儒官好，優游翰與觚。

耕樂亭二首

孤亭臨夐野空濶四無隣車馬來遊少農夫就餉頻晴簷鳩喚雨社甕鳥啼春竊祿真何補投簪媿野人

苔痕臨水潤樹葉近秋稀細雨羣農集殘陽一鳥歸村童收滯穗野老候空扉亦有躬耕意青莎擬製衣

送人還永豐三首

君家簪綬裔羣從玉連枝遊子龍頭貴中郎燕領姿雙尊論久別千里慰遐思六一遺風在懷哉百世師

行李歸期促山川去路遙疾風狂入夜淫雨晦連朝帆

逐孤飛鳥江通逆上潮憑將棲遁意鄉國寄漁樵  
候館促離杯愁顏且強開砌蛩驚露泣巢燕避秋回菊  
徑深黃葉衡門掩綠苔緬懷西漢士據地獨奇才

郊祀齋宿彭太常永年公署二首

寂歷容臺署高吟逸興生泉香春井溢鐘斷夜堂局清  
漏隨風度流雲傍月行雙來猶愛此住久轉忘情

竹靜風停後瓶香茗熟時燈寒人未寢露冷鶴偏知頗  
愛良宵靜翻嫌白日遲年年此齋宿載誦我將詩

太廟孟秋時享同陸員外齋宿

槐露滴新秋  
齋房夜色幽  
罷琴期月上  
捲幔見星流  
池冷菰蒲靜  
窓寒竹樹稠  
清宵容易盡  
香茗且淹留

喜張進士叔豫見宿旅舍

窮巷寂無鄰  
青燈共故人  
遠聲霜下磬  
孤影客邊身  
露冷蛩相吊  
庭寒月自親  
殷勤一瓢酒  
更與話酸辛

碧峰寺慎公房

碧嶂屏風秀  
清流束帶圓  
烟霞醒醉夢  
鐘梵寤僧禪  
亂

葉當人落孤雲引鶴還聲聞如可契應此息塵緣

謝賜西洋布

異縷何纖細輕盈玉雪紓鮫宮初織罷海國遠輸來捧  
拜榮恩賜紗縫稱體裁微軀增照耀被服愧非才

竹所二首

何地偏多竹翛翛庭院幽夜涼難得月雨過易成秋不  
厭貧家看那妨好客留綠陰多處坐疑泛渭川舟

王子幽棲地蕭森修竹林好風催布席疎雨罷鳴琴天

籟醒塵夢涼陰伴醉吟幾竿潭不俗賴爾悅閒心

送曹判官蘇州治水二首

別駕之官日都城欲夏過一篷畿甸雨雙槳石湖波郭外青山少城邊白水多三吳民塾久極授術如何

聞道姑蘇郡東南近海潮圩田多夏潦塲圃減秋苗平易遵前訓煩苛革舊條更應持潔慎玉帛此鄉饒

詠蝶

栩栩戲晴光留連媚露香舞隨花片白棲共柳絲黃樹

杪鶯捎急簾間扇撲忙南園芳草地撩亂逐蜂狂

寓舍梅一株翳榛莽中詩以唁之

篠蔓翳頰垣娟然玉雪痕寒香偏晚節春色自名園鳥  
啄梢頭蕚苔沿砌下根猶能異桃李不在狄公門

席上贈妓

綰霧纖纖指凌波小小蓮春山銀燭下秋水玉尊前舞  
袖鴛鴦錦歌珠玳瑁筵座間俱狎客惟屬杜樊川

送陳生歸吉水赤岸二首

清砧兼落葉總是別離情去路千程遠歸舟一葉輕秋  
雲連樹暗寒日映川明亦有滄浪興何時共濯纓  
歸心無日夜孤舫不停牽沙鱗寒綠草江豚暝觸船銀  
河通赤岸翠壁瀉紅泉莫戀幽居好功名貴壯年

送周秀才遊長沙

迢遞長沙道蕭條晏歲遊亂山黃葉寺孤棹白蘋洲夕  
鳥衝船過寒波背郭流毋論卑濕地賈傅昔曾留

送周布政還河南

出鎮名藩重來朝異眷隆殘年將欲盡知已忽相逢泥  
淖梁園雨埃塵艮嶽風旬宣如有暇煩弔宋遺宮

靈谷寺

一徑入青松樓臺峙化宮雨深山果落雲去石床空樹  
老多巢鶴潭清或見龍上方禪寂地斂得寄塵蹤

南溪書屋

松竹連村暗軒窓面水清蘚痕留屐齒灘響雜書聲行  
藥因過寺輸租斂到城靜觀簪綾累還喜布衣輕

周原幽居

山色峨眉秀江流燕尾分亂蟬吟落葉獨鶴引歸雲黃葉溪邊樹青帘雨外村興來留客坐隨意倒芳樽

送戴教授北行

別路三春雨行舟五兩風花香隨路減柳色上衣濃共  
是青雲客先成白髮翁離情如逝水萬折亦朝東

送張巡檢之雲南

弓劍巡荒徼衣冠別上林路經三峽險人到百蠻深拘

鬢諳夷俗兒童解僰音點蒼山色古道便一登臨

送人之京

上巳風光好新晴物色妍青山林下屋綠水鏡中船節  
換榆烟花殘縠雨天壯遊逢勝景况覲五雲邊

送陳郎中重使西域十首

九重辭鳳闕千騎度龍荒寶劍懸秋水珠袍照雪霜泉  
源隨地少沙磧亘天長人羨皇華使誰知粉署郎

天使下邊州青絲控紫駒風雲隨節旆雨露到檀裘斜

日羌城晚微風塞草秋壯心知未已萬里快重遊

逐水安營晚鳴笳渡磧遲穹廬無舊館行卷有新詩駿

骨天生馬奇毛地產獅蕃酋迎候處一曲漢歌詞

鼙鼓雜鳴笳天風送使槎內臣金鏤帶壯士鐵爲櫓去  
路緣青海行營駐白沙單于爭慕義不用李輕車

驪馬紫金環行行出玉闕懸河三寸舌積雪萬重山旗  
影連雲卷弓弦向月彎封侯儒者事天子待君還

大漠連川遠行人去國遙烏孫遺種在狼望舊名消夜

雪戎王帳秋風使者輶懸知專對好談笑欵天騎

寶帶懸魚服雕弧掛馬鷄皇恩覃萬國兵氣靜三邊瀚

海寒生月崖城暮鎖烟欲窮西域事班史有遺編

地勢三城遠河源二水分火山稀好雨鹽澤足寒雲鵬

沒平沙外駝鳴古澗瀆憑高時引睇何處是中原

出塞春乘傳投鞭晚下營旋風邊馬疾掣電皂鵠輕浩

蕩窮源志迢遙奉使程支機如得石持往問君平

行盡伊吾道遙天氣候殊神僧留白骨毒草隱玄珠近

水多行帳窮荒絕遠書竚看歸觀日玉勒控宛駒

送李生還安城

北蘄辭嚴父南京別故人一身勤遠道千里念慈親柳暗江城曉萍香野岸春燈花先報喜應更倚門頻

南京送高教授赴選

卿家本同郡客路又離羣夜柝敲寒月霜鐘度暝雲征袍迷草色古嶼帶潮痕寥落分携處秋鴻不可聞

共是浮萍跡偏憐鬢易新江湖留滯久朋舊別離頻試

數中朝士應多故里親莫嫌擅獨冷年紀政青春

鷺渚輕鷗

芳洲白鷺名無數白鷗輕暖戲桃花水晴依柳絮萍飛來兼早鴈散去避秋鷹何處忘機客時於此濯纓

寄劉孟熙隱者

嵒壑幽棲者閒情老不衰露葵緣客折晚稻約僧炊苦徑林風掃松窓嶺月窺詩名兼逸興湖海萬人推

次衡州

征棹艤衡陽孤城堞雉荒流雲時翳日微雨暝生涼江  
濶鷗波遠天空鴈字長採蘋無限興烟水晚蒼茫

己亥房山除夕營中作

殘臘中宵盡孤懷百感深已慚先哲訓徒抱古人心偃  
息何由得勤勞敢不任寒燈照空榻擁褐謾愁吟

患難仍連歲蹉跎獨此身風塵雙短鬢宇宙一窮人向  
曙繁星沒凝寒積雪新椒花今夕酒誰壽白頭親

稚子捐深愛酸辛痛莫支坐愁侵骨髓行樂負心期風

俗殊方異人情近老悲前程駕馬足敢不慎驅馳

風雪當除夕空營一榻孤天涯悲舐犢地下憶童烏寧  
復衰顏壯惟應淚眼枯大靈如不妄再拜謝玄夫

今夕猶常夕如何倍憶家二三千里道四十五年華貧  
有文章在官無品秩加遙知妻共女愁坐卜燈花

警柝嚴巡邏寒更獨坐聽淒其孤影瘦邪許萬聲停敗  
壁風穿葦空庖凌在餅茫茫天壤內么麼一蟆鈴

五峰菴住上人房

住公棲遯處重到只空臺竹榻無僧掃松闌有客來夕  
陽寒鳥集涼露候虫哀祗苑猶如此何方免劫灰

雨中桃花

霖霖過芳園枝枝積淚痕色憐開處淡香愛墜時聞採  
倦蜂鬚濕銜多鳥味芬東風解人意吹片到衡門

蕭芳桂挽詩四首

芳桂殞清秋無人不淚流通才今日少遺恨幾時休苦  
蘚碑三尺楸梧土一塋鴈門前學士地下與嬉游

卜宅瀘江曲逢迎意最真竹軒觀奕倦花嶼放舟頻莫  
究平生志先捐未老身最憐黃壤魄長夢綠窓人

豪傑空餘子尊賢眼倍青揮金資客醉闢館教兒經天  
道幽難測親情痛不勝山陽懷舊笛幾度斷腸聽

有志惜無年香名遠近傳客情千斛酒歲計幾莊田吐  
論常傾坐收書不吝錢善祥鍾令子酷似乃翁賢

庚戌三月三日服闋之京舟次吉水

漸老怯離鄉那堪道路長病身愁北去倦翮戀南翔旅

夢緣鐘斷憂懷藉酒忘低回愧江叟白首釣魚航

過清江

浦迥路迢迢汀花帶雨飄殘燈江上廟新水屋邊橋驚宿爭投石鷗驚或避橈無因謝軒冕老作白雲樵

次洪都

春波拍岸平雙槳一舟輕燕麥偏傷雨鶯花已負晴荒亭徐孺宅遺堞灌嬰城北去南來客都緣利與名

彭澤縣石崖僧房

窓戶俯澄潭龍宮似可探藤蘿棲鶴樹扼錫定僧岩斜  
日疎疎磬長風去去帆只應輸野衲長此卧烟嵐

早發小孤山遇風

湖盡江逾闊舟行路若迷垂楊春寂寂芳草雨淒淒旋  
水籠鼈窟平沙鴈鶩堤風波隨地有何處可幽棲

舟過南京

鍾阜白雲邊橋陵鎖暮烟聖謨真遠矣王氣故依然玉  
帛諸番會金湯萬世傳誰陳根本計有力可回天

尉氏縣

縣舍隣漆浦門當綠野開禽巢堦下樹鷁篆壁間苔俗質稀絃誦田荒剝草萊宋金酣戰處武穆獨奇才

宿興國寺

人靜鐘初斷肩輿到寺門風簷寒犬吠露井候蟲喧弱蔓低垂樹枯蓬密覆垣蒲團分半席撚慙給孤園

宿端壁寺

遺構象王宮荒涼小邑東一燈秋殿閉孤榻夜窓空飢

噬床頭鼠愁吟砌下蛩蕭蕭黃葉墜庭樹顚西風

長葛道中

郊原殊蒼莽禾黍未全收棄柘千村晚粉榆四野秋空  
林投倦鳥枯草亂疲牛淡靄輕烟外微茫見許州

次襄城

晨鐸語西風衣單怯露濃豆苗遮地黑柿實照園紅曉  
色蒼茫裏秋光慘淡中永懷東漢士風裁李膺雄

晚至葉縣

擾擾道途間埃塵兩鬢斑清風牛背笛斜日馬頭山荷  
蓋擊殘綠榴房破嫩殷蘋花秋水岸空羨白鷗閒

王喬觀

王子飛鳬處仙遙跡尚存城荒生暮靄殿古鎖秋雲壞  
壁燈烟暗間堦草氣薰古今爲縣者神異獨稱君

留魯山縣

黎庶凋殘甚惟餘樸儉風名因元子重地本魯王封撫  
卹無賢令流移有惰農誰將于萬曲歌向五雲中

宿廢普濟寺

青山行欲盡深樹見僧房雲氣千峰暝秋聲一院涼長  
藤懸破衲脫葉覆空廊龍象黃金地蕭蕭蔓草長

山中曉發

雲氣曉冥濛人行萬木中菊乾偏喜雨柳弱自愁風綠  
鬢流年改丹心往日同明時叨重寄無補愧諸公

懷黃州滕太守

昔在南宮日仙郎總俊髦分符榮出牧載筆憶聯曹身

已朱旛貴名猶粉署高公餘頻弔古艤棹訪臨臯

逢索員外話舊

相見仍青盼相悲總白顛功名憐蹭蹬患難喜生全  
小市三楹屋荒村數畝田南交同官者若箇在林泉

內鄉縣

巖邑千山裏荒村戶半逃曉冷炊椽粟寒火爇蓬蒿深  
秀非盤谷凋零類石壕自傷無善政撫問敢辭勞

新野即景

村暗濛濛雨清流淺淺溪菊花長帶濕豆莢半沾泥野  
迥居民少林昏去路迷自投新野界蒿草與人齊

雨中赴唐縣

冒雨趨唐縣蓬蒿已厭看長途泥滑滑平地水漫漫枵  
腹流民餒單衣稚子寒撫廵兼勞徯衰病敢求安

宿泌陽縣田舍

民家深樹裏下馬點燈時風雨關門早衣裳拜客遲艱  
難逢歉歲逼後租期說到傷心處潸然淚滿頤

過光州望馬中丞墓

元運方全盛公文擅大家謹嚴真有法惆悵信無華故里祠堂廢荒阡墓碣斜欲羞蘋藻薦不敢駐行車

懷元進士龔友孚

世運滄桑改公名汗簡留六軍憐駭散四海竟橫流徒屈英雄策空遺社稷憂浮光垂白叟仍解說才猷

晚赴西平

晚涉西平境荒郊望欲迷暝烟村遠近寒樹塚高低驛

路通淮甸僧房隔汝溪栢亭何處是極目草萋萋

王侍讀汝嘉挽詩

識面嗟誠晚論交覺獨深麟經三世業蠹簡一生心諸老憐將盡孤懷痛不禁遺絃空自絕無處覓知音

閥閱衣冠盛才名伯仲齊宮袍裁賜錦御酒拆封泥屢握脩書筆頻分應制題只今文談在猶自燭雲霓

少日邊庭戍曾馳草檄名談兵諸將屈較藝衆人驚已並青城譽仍兼玉署榮九京那可作惻愴起深情

玉堂陪末議荏苒七年餘夜漏秋同聽春潮曉共超仲淹空有策和靖却無書垂老交游盡臨風淚滿裾

宿舞陽開元寺

驅車巡郡邑夜夜宿僧房窓掩芭蕉雨鐘敲薜荔霜一燈千慮集孤枕五更長無補惟宜退先塋有草堂

歸自南陽

去日猶秋暑歸時已冷霜江山非故里人物是他鄉老態隨年出離愁共路長埃塵如見戀到處撲衣裳

經息縣

歲晏經新息晨征念路遙輕冰方盡合殘雪未全消行客歸心切居民餒腹枵停車徒自感只合返漁樵

除日早飯田家

田家無節序除日亦尋常破釜初炊黍空槽旋壓漿甕寒鑿結凌窓濕紙粘霜遠役如堪免長貧不敢傷

除夕宿汝寧僧舍聞停止夫役喜而有作

除夕留僧寺焚香對老禪青燈伴今夜黃歷換明年宵

肝憂誠切瘡痍痛暫蠲明晨呼萬歲頓首玉階前

過穀陵關

春盡穀陵道千山萬木中水聲泉聒聒雲氣雨濛濛嫩草溪邊石幽禽樹杪風抱關黃髮吏寧解識終童

永思堂三首

一自雙親逝孤懷每自傷恍疑聞聲歎猶似見羹牆厚祿嗟何及遺言敢暫忘番湖東去水不似此情長

人子思親意悠悠鎮不窮常時瞻畫像每日想音容幽

顯雖云異精誠或可通哀悰真罔極長繫寸心中  
憶昔承歡日沉思痛倍饒夢魂勞夜夜淚眼濕朝朝兒  
鬢霜頻積親塋樹幾凋山夷河可塞此恨未應銷

賦得驄馬送別

驄馬玉爲蹄行行過柳堤雲隨金絡轡花映錦障泥流  
電雙瞳炯搖風一尾齊似知離別意欲去更頻嘶

題陳道士處靜軒

素性便孤寂無營畫掩關卧聞清露墜坐見白雲還鶴

夢棋敲醒蝸牆蘚蝕殘仙瓢休掛樹風起厭喧煩  
結宇汴城闔開門見市人輪蹄連旦暮烟火雜軍民向  
鬧尋閒處隨緣寄幻身凡心如未泯林壑亦埃塵

虛室原生白寥寥一榻清石壇雲影度金掌露光凝叩  
齒宮神集齋心道氣澄三尸能斬却鉛汞自然成

軒車從擾擾窓戶自幽幽藥徑人蹤絕苔堦鶴跡留平  
生雙短屐浮世一虛舟即此堪棲隱何須物外遊

春草二首

苒苒復萋萋征袍映欲迷暖烟秦苑北寒食杜陵西綠嫩羞鸚羽青柔襯馬蹄南園新雨過畦菜曉爭齊

秀色遠相連柔香雨霽天嫩兼蒲葉細濃奪柳條鮮莫把征輪碾留教醉客眠王孫行未返芳意自年年

晚登汴城

休騎上荒城斜陽萬感并歲憐頻有旱雷惟久無聲芳樹鳩巢廢香泥燕壘成緬懷前宋士人艷道鄉名

郭外野寺

野寺遠人烟觚稜殿兀然瓦鑪雙足折土偶半身全鳥  
去堦留篆鍋藏壁帶涎閭浮俱苦海何處可安禪

立春日作

殘歷惟餘晦殊鄉又遇春壯懷灰共冷衰鬢雪爭新頗  
覺逢迎懶徒思引退頻自緣忘物我何用辨玒珉

聞舍弟昌復訃

聞訃心先折開緘淚若傾異鄉離別恨同氣死生情哽  
咽悲何已呻吟痛曷平九京知有憾弱子尚孩嬰

曾共過庭前雙親獨爾憐元宗徒齋志閑世竟慳年忍  
割今生愛難期再世緣永懷諸弟妹三已在重泉  
五十年相聚俄驚一夢餘酸辛身後事愁苦病中書苦  
辭沙場骨羅紈肉食軀何如終牖下隨分塋郊墟  
未病猶耽飲方強遽解紳短脩元有定聚散本非真蘚  
碣標荒壟桐棺掩幻身達人曾裸葬那用更傷神

春祭陪祀東書堂賜茶退歸作

香篆半成灰齋宮賜坐回苑花紅未折墻草綠先催棋

布星羅局茶傾雪泛杯非才叨岳牧明祀幾番陪

偶然作

謬忝藩維寄空慚老病身  
鬢毛愁裏雪花柳客邊春直道乖流俗  
餘生任化鈞時無鄒孟氏枉直向誰詢

三月四日即景

忽忽春將暮俄過三月三草誰憐益母花自媚宜男乍到尋巢燕初眠上箇蚕新茶與新筍鄉味憶江南

合歡牡丹三首應教作

爛熳絢晴朝容華若賽嬌辦多愁露浥幹弱怯風搖共  
訝晨粧淡都緣宿酒消更期千歲壽歲歲賞妖嬈

花艷奪霞紅葩分嫵媚同鬪妍雲錦幄競秀綺羅聚淑  
質俱傾國凡英盡歛容內庭和氣盛卉草最先鍾

曉露濕芳英駢開耻獨榮仙姿雙弄玉道韻兩飛瓊人  
羨長偎倚天令巧合并鵲巢風化美佳植固堪徵

合歡芍藥二首奉教作

名品擅維揚嫣然共頡頏總專傾國艷難辨是誰香竊

宛千般態娉婷一種粧鎰斯端有兆宜爾預呈祥

樓子花王副根同蒂亦連固知皆雅淡孰敢別蚩妍繡

閣雲鬟並粧臺月貌聯暖風香霧裏向背總堪憐

題小景四首

南北兩峰前逢春物物妍露桃臨水岸烟柳隔江船古  
廟尋嘉澤幽亭訪冷泉遊人都載酒來往六橋邊

芳樹垂巖暗聚篁傍石低虹流雙澗遠笏卓數峰齊棋

許高人對琴教小豎携湖山皆秀麗無處不堪題

竊窕洞無門寥寥隔世氛板橋穿竹篠苔壁綴松根孤  
嶂摩雲秀飛泉觸石喧不知何道士收露點玄文  
積素晃溪山人家盡掩關客舟寒尚挽漁艤暝初還老  
樹高低岸殘蘆曲折灣欲投峰頂寺冰滑路難攀

和友人韻

山暗雲霾樹潮生水到門野航乘一葦村釀醉孤尊夜  
火燃松節晨餐煮芋根自諳棲遜志富貴不須論

荷衣蘭作佩薑檻席爲門淡泊幽情遠真淳古道尊花

飄仁在核葉落液歸根消息盈虛理當從達者論  
地險過牛渚林幽類鹿門戀茲耕釣樂忘却縉紳尊掃  
石安茶竈携書坐竹根衰榮相倚伏天道妙難論

寄南昌沈大尹

杖屢歸田日山林養病時蔬無陶令栗笈有杜陵詩蒲  
柳身空老松筠性不移何由重會面相與話襟期  
終日惟枯坐衡門掩薜蘿自緣知已少謾道識人多往  
事心徒赤浮生鬢已皤久思蒼把菊作賦續東坡

昔出別鄉親今還少四隣天留雙眼在人笑一身貧勇  
退慚先哲相知感故人平生堅白意未肯涅緇塵

題終慕堂

舊隱金鱉下榕蕉間橘林他鄉頻引睇先壘鎮紫心世  
澤溪流遠哀情海水深檻間懸鉅榜一顧一沾襟

自憐成永感那得再晨昏掛壁遺容在紉衣密縫存秋  
霜心易愴春雨恨難論一脉書香遠相傳子又孫

燎黃囊典重純素此生孤長抱窮天痛仍懷永世圖祿

豐親不逮泣盡眼將枯子職知能勉移忠仰聖謨

蓮壁漫稿卷三

欽定四庫全書

運甓漫稿卷四

明 李昌祺 著

五言排律

送張叅政考績之京

瑣聞才名著藩垣位望隆三年叅省政千里獻民庸察  
宋勤勞共兵氓愛慕同柳亭張餞席桃浪送征蓬天上  
乘槎客江邊卧轍翁櫓聲搖落月帆勢快長風浩蕩淮

流壯嶧峋岱嶽雄金臺紅日下貝闕綠雲中清慎聞羣  
辟廉能徹九重陛陳嘉績最階授散官崇復職紓新眷  
辭朝返舊封桓桓方叔烈戀戀子牟忠甦息憐諸郡旬  
宣仗數公追呼鞭朴少飽暖歲時豐去路應逢夏回程  
莫待冬詩欣千首富錢笑一文空但覺烟霄迥惟知雨  
露濃棠陰城下路歌詠走兒童

幽居

華亭當異位匪北與東南新月織懸夕斜陽暝翳嵐秋

聲連地起雲影半空曇紅葉凋園柿青林秀石楠到門  
無吏跡雜坐有農談茗椀惟孤啜橙杯不獨銜芙蓉霜  
肅肅楊柳露毵毵晴雪鷗棲渚腥風虎卧岩耕夫朝就  
餉過客暮停驂孤寔天疑近清高境不凡谷深寒鎖翠  
溪潤暖浮藍養靜閑情愜居安逸興耽康強身懶杖蕭  
散髮慵簪暑退嫌藤簟涼生怯葛衫好書常在案雄劍  
鎮藏函榮任他人取幽宜我輩探溪山聊寄傲簡牘貴  
研覃名教真堪樂禪機弗用參虛心千箇竹直節數株

杉永夜長庚對煌芒不可緘

挽族兄

布被當年友嗟君更可憐父兄嘉篤志朋輩羨英年早  
負穿楊譽終酬折桂緣學成寧落後榜揭果居先未對  
劉蕡策旋揮祖逖鞭裾從彤邸曳書向石渠編仕路方  
榮進蠻邦遠斥遷瘴生雲滿墨颺起浪掀船地僻夷風  
陋天遙氣候偏毒淫那易辟性命竟難全忍死留遺語  
含冤入下泉行囊題詠在謫籍姓名蠲弱子攜家返輕

函載骨還九京雖莫作百韻或堪傳勿訝淪殊域猶能返故阡試觀同譴者亦有葬烏鳶

挽友人

雋說盤中隱今為物外仙識韓空有夢交闌竟無緣未論宗支異還叨閥閱聯學精多士許孝篤衆人憐恬退忘軒冕沉潛嗜簡編衣冠推典則詞賦擅清妍世厯滄桑改家臻福慶全遺榮身自在占勝地幽偏久悟浮生幻俄隨大化遷歛裳真逝矣易簣靜蕭然漫詫騎鯨去

那因化鶴還。菊軒棋已罷。竹館榻仍懸。簾捲風翻帙。窓  
虛雨慢絃遊。山雙屐在釣瀨一竿捐。雅操超今士。高標  
慕昔賢。新祠應得侑遺稿。或堪傳五桂凌霜秀。聚蘭泥  
露鮮。年年寒食節。釀酒拜荒阡。

壽某翁


聖代功勳著天倫。樂事專位躋三品。峻義篤一門。全致  
養。惟禪祿通財不計錢。永懷烏鳥哺。仍感鵠鵠篇。嘗草  
幽藂。秀棠花舊蒂。連冰盤。魚味美。綵服鴈行聯。祥柰寧

煩守肱衾且用眠老親欣未耄難弟愛彌堅茵褥重重  
榻墳篋秩秩筵壽觴更跪勸獵騎並驅還橘墮猶懷陸  
荆分謾笑田侯封應有待輿論諒無偏遐算慈闡健同  
心貴介賢雄丈書盛美燕許筆如椽

題山水圖

別業在圓塘無鄰傍草堂瀰漫新水闊遠近好山蒼樹  
密松依檜林幽柘混桑頤同嚴子瀨仍似杜陵莊橋峻  
妨遊屐溪迴隱釣航鳥聲春晝永花氣午風涼把卷潛

心玩逢疑著意詳詎容便水石未可薄軒裳愧我身空老憐生力致強閑情雖足適壯志會須償尊府當朝貴佳兒嗣世良奪魁期接武澗壑有輝光



運甓漫稿卷四

欽定四庫全書

集部

運甓漫稿卷五

詳校官編修臣翟槐

中書臣劉源溥覆勘

總校官庶吉士臣何思鈞

校對官中書臣李荃

謄錄舉人臣孫炯

欽定四庫全書

蓮覽漫稿卷五

明 李昌祺 著

七言律詩

遐齡十景

遐齡仙境

西山秀矗碧芙蓉  
浩劫天真宅此中  
飛瀑倒懸清灑雪  
層巒遠聳翠摩空  
珠林有樹皆棲鶴  
玉澗無泓不蟄龍

列缺蜚廉皆擁衛綵雲長繞萬株松

玉隆仙府

淨明官觀輶浮埃紫氣丹光接上台  
地竇難尋茅落處天空猶想錦飛來  
江湖孽去沈淪拯沙井源通障遏開  
鍊質仙岩應在此不須東海訪蓬萊

石泉靈瀨

跨鳳仙人杖有靈卓開岩竇見清冷絕勝猛虎跑來潔  
不帶潛蛟鎮處腥春漲暖添三日雨秋澄涼浸一天星

風瓢幾度穿雲汊坐愛潺湲洗耳聽

天寶雲深

洞天原自異人寰可惜梅生分太慳參杞熟來俱不食  
神仙過後竟空還靈呵鬼護金床隱電掣雷轟石室關  
蒼狗白雲長變變恍疑移下玉京山

紅崖疊翠

曾聞千仞峩峩頂上有仙翁隱碧雲蕉葉懶揮塵自遠  
楓枝不悴景長溫丹光迸井清宵煥霧氣理山白晝昏

積黛凝嵐輕鶴處藥爐茶白至今存

緜嶺朝霞

晨暾乍出上榑桑散作奇文五色章  
暘谷影高爭煥爛赤城標建遠微茫  
曾為燒佛禪師號復作修仙道士糧  
若使有緣逢子晉便求喫嗽上升方

蕭臺積雪

六出花飛尺許深吹笙臺榭盡瓊林  
長空鶴下巢難認薄暮樵歸路莫尋  
玉壘更添仙境勝冰崖不受世塵侵

匏簴冷溢無遺韻贏得琴留折竹音

龍岡雨霽

何年神物此中蟠化作奇峰紫翠攢水落樹根猶半濕  
泥沾花片未全乾天東初日一輪近隴上閑雲萬故寬  
最好連山皆白石霧靄洗出玉鱗寒

鸞岡秋月

銀盤端正掛瑤天瀨氣寒光兩鬪妍白鶴儀鸞成恍惚  
黃塵清水嘆更遷五行秀淑茲山聚百種禎祥此地全

應與三仙同不老坐看兔魄謾虧圓

鳳岡夕照

綵翮高飛去不留斜陽長自射岩幽織烏沈處晴霞斂  
巢鶴歸時暮靄收翠鎖雲蘿千嶂暝紅堆霜樹一林秋  
人間此是通天竅未必丹丘勝藥丘

送王處士益安之京

亭亭別舸艤江干緩唱離歌勸酒乾老驥尚馳千里足  
冥鴻已鍛九霄翰江雲盡日低連水淮雨兼旬悄釀寒

多病子年心獨苦遙瞻魏闕五雲端

蒲帆穩掛一舟輕珍重高年事遠征飛絮遊絲縈別恨  
落花芳草黯離情山中暫輶幽人社輦下爭傳處士名  
回望南雲鄉邑近秋風江上笑相迎

閒身應暫別林丘垂老觀光帝里遊地控幽并通絕漠  
山連恒華拱中州辭家去日逢初夏買棹歸時及早秋  
南北兩京饒故舊相遇慰藉少淹留

自笑龍鍾雪鬢髡十年因病解朝衫清時引退憐身老

金華子集  
卷五  
白日冲昇愧骨凡漠漠平蕪連薊北依依遠樹隔江南  
經行定過淮陽郡歸計煩君促阿咸

送曾行人還京

專對多才列顯融十三藩翰有行蹤官寮盡識荀鳴鶴  
郡邑爭看陸士龍江上曉霜凋杜若城邊秋水映芙蓉  
經行處處饒佳景總入高情賦詠中

四牡駢駢聳衆觀梁園邂逅暫相歡襟懷磊落真佳士  
職任清閑最好官楊柳不禁秋後折茱萸且向醉中看

懸知歸獻王褒頌三峽詞源在筆端

乍見何堪又別離蕭條况值暮秋時無才報國慚空老  
有約歸田嘆已遲風悴井邊梧樹葉雨乾籬下菊花枝  
空緘徒有寒溫問不敢煩君寄故知

官亭且暫駐行裝更盡臨分酒一觴同榜故人皆要路  
離羣倦客尚他鄉涼風嫋嫋蘋花白夕露淒淒杏葉黃  
後夜夷山高處望折津惟覩使星光

留別王教諭士敬

汴省分携又四年他鄉一見倍堪憐白頭納祿慚予晚  
絳帳橫經羨子賢燈影颶風臨水店櫓聲搖月下河船  
匆匆會面匆匆別回首長淮一慨然

磊落才華邁後英鄉闡早占甲科名持衡西陝端無忝  
分教中都倍有榮畫鼓升堂譽舍曉青山繞郭縣樓晴  
丁寧勿嘆淹閑散早晚吳公薦貢生

黃河幾曲繞荆山楊柳陰中帶暝灣老子得歸全出處  
故人相見雜悲歡從教健翮縱橫上且喜閑身自在還

莫負明時勤造士坐聽絃誦到更闌

寄石潭劉先生并李鍊師

偶因衰病返丘園白首依然混俗氛寧復嬉遊來勝境  
徒令夢寐想清芬秋山秀色終年對天路空歌每夜聞  
宴坐萬松蒼雪裏不知塵世有囂喧

久不班荆話夙心遠勞封茗寄雲林殷勤諫議情偏厚  
憔悴文園渴正深十載鄉音憐斷絕幾人交誼篤升沈  
看雲倍切懷君意離恨悠悠可自禁

相鄉朋舊總英賢久乏鱗鴻寄尺箋令子俱為天上客  
阿翁都作酒中仙堅持苦節共先訓順受微疴了宿緣  
社櫟任他松柏笑支離却得保餘年

挽某孺人

婉婉雍和著令儀如賓相敬世應稀遺衣尚有親縫線  
殘綜猶餘手斷機零落堂萱霜已悴蕭條園薤露初晞  
兒孫拜掃蕭坊塚梧擯西風葉亂飛

題蕭于京卷

吾邦自昔產才英畫手如君藝更精柱國少師題舊隱  
經筵學士表新瑩優閑有興詩兼酒落魄無心利與名  
猶記京華曾識面白頭回首故人情

寄龔廉使并虛谷僉憲

秋鴻春燕各西東回首天涯一病翁晚歲懸車應愧我  
明時攬轡最推公才名未許張綱擅清德惟期趙抃同  
從此雪山知更重羣賢風裁兩爭雄

雨中發洪都

豫章城下水如苔  
風雨官河一棹開  
山色遙連蕭寺暝  
雁聲遙度楚雲哀  
霜凋遠樹寒燈見  
鳥背孤帆極浦回  
畫棟朱簾遺閣廢  
荒基歲歲長蒿萊

訪鷺洲書院遺址

宋家書院但空名  
二水中分草樹平  
陵谷變來基亦廢  
野人耕處草還生  
落花細雨文魚上  
殘柳西風白鴈鳴  
臨眺不堪懷往事  
城頭畫角更淒清

舟次安慶

層層雉堞石崔嵬小市參差野岸隈  
賈客帆檣沙際落人家樓閣水邊開  
英雄埋沒成塵土墳塚荒涼翳草萊  
莫上高城重弔古東風斜日使人哀

春坊黃學士索賦劉縉草堂二首

靜者茅堂近翠微草門松徑往還稀  
水生南垞鴈初下月出西巖人未歸  
迸筍亂穿苔蘚破殘花故傍薜蘿飛  
清泉繞屋雲林密縱有淄塵得染衣

石角藤枝似瀼瀼西懸蘿引蔓覆簷低  
雲來高樹虛窗暗

春去深林好鳥啼  
蛛網靜粘飛絮雪  
燕巢新補落花泥  
碧山學士能相遇  
咫尺滄浪是浣溪

喜陳七表弟至

客舍蕭條忘却官愁顏暫解強為歡相逢尚憶兒時事  
乍見渾疑夢裏看故國有田供歲計他鄉無絮耐冬寒  
明朝又作天涯別且對青燈共夜闌

秋夜聞砧

萬遍千回擣未休  
踈星涼月夜悠悠  
酒醒空館聞偏苦

老厭他鄉聽更愁。綃帳銀屏霜氣早，黃雲白草塞垣秋。  
妾心已逐寒聲碎，憑仗風吹到海頭。

送孫吉士省親還浙

勞勞亭畔送將歸，莫惜離尊醉落暉。  
霜葉暝隨淮水下，風帆晴向練湖飛。  
還家只喜庭闈健，到處仍憐故舊稀。  
綵服寧親兼畫繡，人生得意似君希。

賦落花

愁紅怨粉各依依，樹下偏多樹上稀。  
總為春光爭艷冶，

却教夜雨妬芳菲數枝浸水魚吹去幾片紫林蝶趁飛  
莫怪東風成薄倖猶能收拾點人衣

送同年曾侍講扈從北行二首

長樂疎鐘曙色催千官扈蹕出蓬萊香飄輦路鸞輿至  
日射天袍雉扇開九域車書同盛典兩京詞賦屬雄才  
從容得侍清閑宴更捧南山萬壽杯

天子宸遊幸北京從官誰是最知名青鸞紫鳳隨行在  
玉碗金盤出內庭芳草細承宮珮軟飛花故落御衣輕

賡歌何限鄒枚匹獨說相如賦有聲

寄彭修撰李吉士二同年

千里迢迢隔兩都  
雁歸不寄半行書  
只緣久別交情薄  
自是長貧行輩疎  
細雨落花朝退後  
游絲飛絮燕來初  
故人寂寞芸窓裏  
遲爾封緘慰索居

書館即景二首

十里金河繞內城  
城邊闌檻逼人清  
池萍過雨馴鷗下  
苑樹呈陰好鳥鳴  
入座水風翻帙亂  
隔窓簷簷日漾波明

萬年枝拂宮牆翠時見雙飛粉蝶輕

溝水斜通宮苑近回廊遙接禁垣長千層雉堞圍黃屋  
百轉鶯聲在綠楊曉霧暖浮空翠色春流晴泛落紅香  
無端景物皆佳興更愛鍾山樹鬱蒼

車駕南還江東驛拜迎有作

鳴笳疊鼓震淮山共喜時巡大駕還畫戟雕戈羅萬騎  
紫駝白象列諸蕃謹聲遠度旌旛外香霧長浮平翠間  
雜還都人多似蟻一時拜舞望龍顏

送鮑琮之吉安教授

送別因君憶舊鄉  
郡城南面好徜徉  
青山秀落屏風裏  
粉蝶高環學舍傍  
佳句欲成仍對酒  
春衣初試更焚香  
老親林下知相見  
華髮應添別後霜

元日早朝

熹微曙色半氤氳  
闔闢初開鹵簿陳  
雲表露凝仙掌重  
仗前風細珮聲勻  
雪消鶼鵠千門曉  
花映鴛鴦合殿春  
久侍朝班無寸補  
年年此日沐恩新

病中酬周吉士忱見贈二首

自嗟淺薄負明時更嘆長貧少故知書卷病來荒舊學  
柴門客去重深思花容有態隨春老藥力無功得效遲  
擬學無生消世念惟應禪寂共襟期

為客何堪倍憶家還悲伏枕度年華病魔不逐青春去  
醒眼惟愁白日斜已覺庭廡疎酒盡更憐憔悴負鶯花  
方書藥性偏多忌猶說逢人擬斷茶

送劉生還鄉

不辭千里問庭闈綵服如何又遠違新鴈近隨秋共至  
故園遙喜客初歸空林向晚鴉爭集衰柳驚風葉亂飛  
應愧殊方飄泊久看雲送別總沾衣

春日南宮對雪

退食南宮看雪飛塵埃頓覺一時稀千門曉色連青瑣  
雙闕寒光照粉闌倦逐梨雲飄舞袖閑隨柳絮上朝衣  
高才莫續梁園賦却憶盤洲獨釣歸

孝陵春日陪祀二首

鶴駕乘春謁寢園日華浮動 原闢

黃鶴翩翩不可招玉棺夜墮墓王喬已知妙行書仙籍  
又見褒封下聖朝俗眼謾揮蒿里淚清風閑却竹宮簫  
真人道業憑誰傳虎觀鑾坡盡久要

送人之淮安稅使

花雨消塵草色新金川門外是通津江雲片片低連水  
檣燕飛飛近掠人畫燭牙籌官舍夕綠蒲翠柳郡城春  
懸知公退多幽賞淮水淮山賦詠頻

南郊分獻禮成有作

鳳蓋鸞旛下九關  
豐隆列缺護郊壇  
星臨行殿鐘初動  
月射齋宮夜未闌  
佳氣直浮雙闕外  
祠光遙在萬松間  
相如未覺才踈薄  
誰道明朝獻頌難

寄劉貢士孟恂二首

河橋雨過柳條新  
野岸冰消草色勻  
幾處秦樓春自好  
一瓢顏巷客長貧  
流年不用悲明鏡  
高誼惟應愧故人  
翹首石潭潭上路  
東風那得有車塵

竹屋無人靜掩扉  
病身坐愛暖風微  
悠揚甕底醯鷄舞

撩亂窓間野馬飛  
家在江南田地少  
年來海內友朋稀  
登山臨水情何極  
惆悵高懷與願違

寄同年曾學士子棨

青春載酒立鰲峯  
兩扈宸遊看會同  
日暖雲旛翻白旛  
月寒天闕倚蒼龍  
閑庭幽草芊綿綠  
別苑飛花淡蕩紅  
侍從詞臣多似雨  
長卿作賦獨能工

早朝

金河秋早水生涼  
清漏沈沈夜未央  
闕對鍾山通御氣

露搏仙掌溢寒光天垂復道星辰近月隱重城睥睨長  
粉署由來多俊彥獨慚題柱漢仙郎

孝陵秋日陪祀東彭贊禮永年

鍾山欲曉色蒼蒼小輦輕輿出建章苑鹿不驚仙仗過  
潭龍故噴御泉香重城隱霧留殘月高樹含風送早涼  
惟有祠官最清貴時來導駕沐恩光

悼貴人

百戰功成初拜侯貂蟬雉尾換兜鍪丹青擬上麒麟閣

紅粉空餘燕子樓  
郿塢有金僧施得平津無客妓來遊  
若教富貴兼難老江水應須北向流

太廟臘享同吏部王郎中吏部丁員外刑部蕭

員外陪祀有作

寶砌瑤堦積雪稀齊開金鎖敞朱扉五雲光裏來華蓋  
萬樂聲中拜袞衣鳳輦乍移清廟闔龍旛輕拂上林飛  
禮成冠珮參差出佳氣祥煙繞禁闈

秋日獨遊黃鹿山望嶧策寺二首

梵宮遙對鳳凰臺此日乘閑偶獨來古墓石麟空蔓草  
空祠土像翳塵埃溪光淡淡秋鴻下野色蒼蒼夕鳥回  
不用咸陽原上望西風臨眺亦堪哀

青龍山下人煙少黃鹿庵前日影斜隔塢寒松遙見寺  
平田晚稻正垂花芰荷蕭瑟鳬鷗水莎草棲迷雁鶩沙  
弔古自應增感慨非關久客在天涯

挽張楫川處士二首

寂寞秋山落日邊草堂人去鎖寒煙移家北里無華館

供祭南山有薄田零落幽蘭餘澗底蕭條寒菊對門前  
天涯莫致生芻奠灑淚西風一慨然

華屋山丘事已非先朝遺老近來稀徒令過客題新塚  
猶有行人欵舊扉衰柳謾餘陶令宅荒苔空沒子陵磯  
故園朋好凋零盡暮雨寒雲弔鶴飛

挽集方陳處士

寂寂空林長薜蘿集芳園裏落花多幽堂有石銘先泐  
舊宅無人客獨過海內生芻慚古道淮南聚桂想遺歌

金匱 卷五  
山陽回首悲鄰笛欲賦招魂奈爾何

九日獨登雨花臺追用杜牧韻

客裏登高思欲飛乾坤但覺此生微  
關河迢遞親垂老松菊荒涼人未歸  
六代空臺餘古塔幾家新塚對斜暉  
寒煙蔓草西風外惟有秋荷好製衣

題求志山房卷

久忘軒蓋身將老高卧雲林事總拋  
酒熟只知留客醉家貧惟喜借書抄  
雲迷高樹猿窺果葉墜空林鶴緝巢

試問白駒空谷裏幾人黃髮在衡茅

送劉僉事還浙兼寄陳御史

都門秋樹葉紛紛惆悵西風袂忍分頭戴鐵冠辭魏闕  
手持玉斧過吳門孤村遠磬敲殘月極浦歸帆沒斷雲  
為報霜臺驄馬使南宮倦客久離羣

送陽生之北京聽選

白下相逢政早秋異鄉還喜暫淹留關河遠道同為客  
風雪殘年獨宦遊冒雨歸鴻投極浦經霜落葉在扁舟

尊前謾遣離情散醉後翻成別淚流

送錢秀才歸文江

勞歌一曲黯離憂酒盡人分不可留獨樹斜陽回夕鳥  
孤舟殘雪沂寒流行臨湍水瀟灑險家在圓塘別業幽  
欲折疏麻採衡杜秋風零落滿滄洲

送李生赴會試

明時自笑離羣久中歲仍傷送別頻暮雪梅花殘臘酒  
東風楊柳上京人仲容年少青雲早杜牧才衰白髮新

西抹東塗成昨夢天涯空憶杏園春

謫官後崇上人房話禪

下方無計避浮名且向空門話道情久廢琴書緣性懶  
乍拋章綬覺身輕山僧臘共雙松古野客心同片月清  
亦欲斷緣依法住經函茗枕了餘生

東溪釣隱

東溪不減浣溪名竹逕柴門事事清只與漁樵長混迹  
自緣軒冕久忘情夕陽曠翅鷺鷗飽秋冰浮灘舴艋輕

肯使身名入城府滄浪日日濯塵纓

送太學王生省親

送客行歌出鳳臺離情鄉思醉難裁故園舊友三年別  
晏歲長淮一棹回鷺渚別來頻入夢鷗江歸去且銜杯  
囊空無物堪持贈聊折寒香雪後梅

東華春望次周編修韻

濛濛香霧散輕寒翠瓦光凝漸欲乾乍暖鶯聲偏好聽  
初晴樹色最宜看鍾山雲近浮雙闕金水波明照百官

猶記粉闈通籍日文華幾度候鳴鑾

西掖書懷次周編修韻

清禁遙當輦路開長廊斜抱御溝回鐘聲欲動龍樓啓  
扇影初移鶴駕來十載中朝多制作一時東觀盛人才  
拔垣梧竹凌霄漢盡是高皇舊日裁

左掖聞鶯次前人韻

萬年枝上雨新晴朝退初聞禁苑鶯隔葉好音偏入聽  
傍花嬌語更多情悠揚巧入龜年笛縹緲清諧子晉笙

惟有詞臣最閑暇輕搖玉珮讓和鳴

寄胡學士光太二首

薊門五月似新秋易水金臺王氣浮行在星辰環帝座  
故人霄漢扈宸遊林桑葉盡春蠶老庭樹條空夏果收  
良會未期成闊別幾回飛夢到瀛洲

遠別悠悠各一方思君空有九回腸掖垣梧竹秋生草  
官舍琴尊暑退涼白髮庭闈頻積念青雲故舊未相忘  
灤京今夜雲霄月肯把清光照草堂

寄同安張忍庵通守

東風催雨過淮淝  
萬戶千門曙色微  
漸老只愁朋舊少  
逢春不放酒杯稀  
長江繞郡商帆集  
遠火沿山獵騎歸  
惟有忍庵窓外雪  
比君高操更清輝

感舊游二首

深戶長廊對面開  
東風楊柳舊章臺  
芳心暗托秋波訴  
幽夢空成暮雨來  
燕婉鶯嬌徒有態  
花飛蝶駭只堪哀  
風流想像高唐賦  
千載人憐宋玉才

長干東畔是秦淮葉自隨流信自乖花底玉纖崔護水  
月中珠淚郭華鞋晚峰尚學青螺黛冰筋猶疑白燕釵  
四海遨遊空有意忍彈歸鳳獨傷懷

送倪主事還北京二首

江亭夕鳥背人飛愁對芳尊話遠違霜後長林餘敗葉  
道旁荒店掩空扉薊門草色青連野灘水春香綠染衣  
我有離心何處寫寒雲遠樹共依依

秦淮晏歲見孤鴻疋馬蕭蕭趁朔風淺薄豈堪當路薦

光華難與故人同  
微茫遠見盧溝樹  
縹渺遙聞魏闕鐘  
無補涓埃貧病久  
偏承雨露羨羣公

春日憶諸弟

不為長貧謾自悲  
年來鏡裏覺顏衰  
殊方失路逢今日  
故國投簪定幾時  
池草謾成清夜夢  
庭花空見紫荆枝  
凌雲壯氣消磨盡  
只有丹心似露葵

送龍生歲貢之北京

淡雲疎雨弄微和  
北去金臺路幾多  
地控中州連朔漠

天回北極拱星河陶山過雨青浮黛沂水驚風白湧波  
年少未應憐遠別臨分不用唱離歌

送太常高贊禮考滿赴京

慣聽雲門大夏音兩京聲譽重南金天開行在關河壯  
山隱長林樹木深遠戍數星寒夜火孤村一片夕陽砧  
自慚無計陪簪紱千里空懸戀闕心

送劉生赴會試兼寄曾學士子棨

朝來朔鴈帶離聲臘盡汎河走濁冰飛舞雲山環近甸

微茫煙樹見長陵  
新傅虎榜題劉晏舊說龍門愧李膺  
惟有相如才調美每將詞賦擅聲稱

送艾秀才還文江三首

楊柳陰陰虎踞關離亭把酒送君還  
到來建鄴春將盡歸去丈陽夏已殘  
客裏有書惟寄雁山中無樹可棲鸞  
分携已自傷懷抱回首他鄉別更難

踈踈蘆葦野鷗飛遠水茫茫一棹歸  
雨過山田收早稻涼生客舍感秋衣  
江村露冷蛩聲急楚澤天清鴈影微

白髮難兄如見問為言空憶故山薇

白門涼露滴官槐一葉扁舟候曉聞家住秋山松桂老  
門臨春水鷺鷗來夕陽蕭寺踈鐘斷晚月滄江旅棹回  
到日高堂調膳罷平安先寄鳳凰臺

送周編修考滿赴北二首

勞歌一曲黯離情鄉夢中宵戀去程北闕故交成久別  
南宮倦客已除名山城奏角人初寢野岸維舟月乍生  
良會幾時如可卜早憑歸鴈寄新聲

垂楊夾道畫陰長，五兩南風送去航。  
政羨諸公當要路，獨憐十口在他鄉。  
風生平野春苗綠，雨歇高林夏果黃。  
行在倘逢知己問，別來潘鬢易滄浪。

送胡御史遷評事考滿赴北

雪中歸鴈帶離聲，且共清尊慰別情。  
周室羣僚尊柱史，漢家多士重廷評。  
汎河凍解流澌下，薊野春回細草生。  
此去定應司獻納，丹心長向北辰傾。

大祀雪霽之作次周編修韻二首

羽林千騎擁旌旄六出飛花點繡袍玄武旂翻香霧暖  
蒼龍闕倚卿雲高蓬萊御氣浮春樹泰畤祠光絢露桃  
天陞兩曾分裸獻獨慚無頌擬王褒

月冷瑤堦燭影微爐煙遙傍侍臣衣鍾山政對齋宮近  
瑞雪先迎御輦飛環珮聲來天步近衣冠身到泰壇稀  
何人屢得陪宣室賈誼承恩在禁闈

元夕觀燈次前人韻

解凍風輕暖尚微天街夜色散清輝香飄綺席回歌袖

燭射珠簾晃妓衣星斗漸隨華月落笙歌緩送醉人歸  
仙郎自笑才情減謾憶傳柑出粉闌

陳處士挽詩

一枕翛然靜解神鷺花零落草堂春山中結社無遺老  
地下埋銘有故人不向塵埃留半跡獨從丘壑寄閒身  
蟻蛸在戶懸空欄徐孺重來淚滿襟

送人還安城

客裏那堪送客歸臨分相對各依依離亭酒盡人皆醉

故國書遙雁亦稀斜日驛樓秋樹暗孤村僧舍暝鐘微  
武功秀色青如染只好閒看靜掩扉

送人還文江二首

客中寥落畏秋來況是逢秋送客回家在鄉園惟夢到  
身兼貧病復年催衣沾殘雨衝寒去鳥背孤帆帶暝開  
良會幾時仍話別臨岐分手重徘徊

帝城相見總相憐忘却飄蓬謫宦邊官舍蕭條秋雨裏  
鄉音厯落夜燈前數株衰柳門常掩幾杵殘鐘客未眠

惟有多情天上月清光遲爾到家圓

送蕭知縣復任臨淮

石城臘盡覺寒微百里重臨願不違潮落斷冰隨水去  
林疎敗葉著霜飛長江白浪帆來遠細雨黃蘆雁下稀  
相見未幾還又別離情鄉思兩依依

復職再至南宮舊署

三年流落別南宮舊事新來總不同清世未容辭組綬  
病身寧想到方蓬趨朝又註金門籍待漏初聞紫禁鐘

金人曰  
卷五  
自幸為郎叨載筆却憐執戟漢揚雄

舍弟客錢塘索家書寫此示之

故園書信久荒涼愁對西風見雁行身在京華依魏闕  
夢隨潮信到錢塘乍添老態經憂患漸入中年易感傷  
閒看白雲惆悵久不知清淚已沾裳

郭處士挽詩

嗟君久隱白雲間地下修文竟不還謾有琴書閑別墅  
獨留墳墓在荒山春風自種陶莊柳暮雨誰紉楚苑蘭

忍向江鄉詢故舊百年遺老半凋殘

喜錢進士習禮除翰林檢討賦此寄之

清才玉署正相宜錦字華穢慰所思霄漢幾回勞夢想  
酒杯何許共襟期小憲殘燭懷人夜斜月踐鐘聽漏時  
知在詞垣吟更好便鴻莫遣寄來遲

寄曾學士子榮

白門離別已三秋閒對停雲憶唱酬心共星辰常北拱  
夢隨江水亦東流千門曉色春初動萬瓦寒光雪未收

獨有龍頭金榜客解將詞賦扈宸遊

寄刑部李主事時勉周主事恂如

二妙翩翩最好辭拜官同在白雲司一身多難憑誰問  
三載離羣獨爾思紫陌香塵聯轡處絳紗銀燭候朝時  
才名獨數枚皋盛肯把新題寄所知

冬日與彭贊禮永年登治亭

吳人治處有遺亭與客尋幽暫一登東下江流通海白  
南來山色入淮青疎鐘晚送歸巢鶴落葉寒敲近樹局

最愛孤高蘭檻好幾時更共故人憑

再用前韻東前人二首

東南形勝壯茲亭閒共孤雲野鶴登淮水寒光天混碧  
鍾山秀色樹浮青空林槭槭人初去落葉蕭蕭戶半扃  
六代衣冠埋草莽由來富貴信難憑

金陵無數好臺亭臨眺偏宜此處登江匯海門諸水黑  
天連秋浦九華青雲旛晝下瑤壇靜石髓春香玉洞扃  
鳳想鸞情霄漢表不妨暫借赤欄憑

孫處士挽詩

彈冠不遣世相知  
明月清風每自怡  
山水半生資雅趣  
江湖幾度滯歸期  
白雲長伴蘇門嘯  
宿草空餘薤露悲  
何限丘園棲遯者  
誰人身後有銘碑

段處士挽詩

不將名姓達時賢  
長在蘭陵野水邊  
數畝薄田手自種  
幾聯佳句客爭傳  
清談久廢圍棋局  
問字空回載酒船  
惟有孤墳鄰李子  
東風無處薦芳荃

宋處士挽詩

漫浪江湖酒與詩玉簫明月好襟期老逢昭代承平日  
生在元朝喪亂時健翮不隨黃鵠舉閑心惟有白鷗知  
全歸地下如公少迢迢南州重我思

送人之北京

水綠蘋香鳥亂啼汀洲芳草更萋萋人分殘雨雪亭外  
鴉背斜陽極浦西江柳受風偏舞困林花經社競開齊  
天涯春色傷離離莫惜臨分醉似泥

柳

含煙裊霧自青青愛近官橋與驛亭春滿章臺偏婀娜  
秋深隋岸最凋零長從蘇小門前折葉向龜年箇裏聽  
絕勝東風桃李樹飛花猶解化浮萍

送陳郎中重使西域次曾學士子榮韻六首

纔持玉節出咸京策馬仍為絕塞行北闕風雲冲劍氣  
西河將校仰威名懸崖古塞千尋險衰草荒原一望平  
多少羌戎爭出迓使星昨夜到邊城

歸朝重看拜司封又出陽關第幾重路入伊吾沙

關

金匱四庫全書

卷五

齊磬山鳥銜花落石床澗底風回喧地籟岩前日出散  
天光俗塵不染祇園士坐學無生與世忘

駕幸朝天宮祭星之作

上帝蕭臺衛百靈儲皇拂曙醮羣星清都秘籙開雲篆  
白晝神雷擲火鈴曉露未乾珠樹濕天風微動寶花零  
叨恩久在南宮裏長從鑾輿幸冶亭

四月十八日鶴駕再幸鍾山余與大理寺丞鄒

公師顏戶部郎中林公和楊公端員外郎張公

賓陽石公堅聯騎從小徑行憩松陰候駕有作  
萬畝松陰一徑開象王此地有樓臺春殘好樹驚花盡  
風度和鑾識駕來香篆半銷僧定久鐘聲欲斷鶴飛回  
空門景物多清賞未解朝衣愧不才

送彭贊禮之北京

五月驅車過薊門黃金臺下駐行轅千林果熟新經雨  
雙闕疎鐘遠度雲星斗芒寒環北極山川形勢壯中原  
情深不忍輕分別更上高樓一望君

送人還南康

梧桐葉落火西流楚客驚時問故丘百畝腴田環舊宅  
幾人白髮在滄洲二賢祠下蟬聲晚五老峰前鴈影秋  
見說匡廬多勝處何因來共赤松遊

送于生還鄉

紅槿花稀夜合殘行人千里問鄉關客情偏在初秋裏  
旅夢頻生半醉間細雨帆檣投極浦孤村燈火隔前山  
西風無限滄洲意欲採芙蓉愧未閑

送上舍之北京

官槐涼露曉來收之子含情解去舟閣道千門開北闕  
關河萬里壯中州月低高樹重城曉風漾微波太液秋  
此去彈冠問知己故人天上扈宸遊

送熊生還鄉

石頭城下柳蕭疎久客懷歸念遠途鄉夢每生鐘斷後  
客愁政在酒醒初扁舟暮雨青衫薄折葦涼風白鳥孤  
擬共丘園尋別業臨岐相送獨踟蹰

原闢

鴈憶鄉書

西風娟娟蘋花老欲續離騷賦卜居

酬曾學士子棨見贈復職之作

放逐仍居患難中三年執役梵王宮病來短髮逢秋白  
老去衰顏借酒紅心似葵花傾曉日身同樹葉感霜風  
杜陵花竹頻生夢但覺陽春處處融

讀元進士李祁雲陽集

神情秋水態春雲菽粟甘腴布帛溫潤  
桔徑秋風陶栗里柴門落日杜羌村  
鸞歌鳳吹排空遠蜩竅蠅聲到處喧  
縱有黃金那可鑄寥寥騷雅向誰論

張舒州家觀元承肯危素畫像

虞揭凋零玉署空堂堂至正獨推公氣全  
河岳英靈秀手抉雲霞制作工江總歸陳翻  
恨老賈生鳴漢早稱雄丹青似有無窮意  
却寫南冠入畫中

擬唐宮人入道

笑著黃冠脫翠鈿改粧風韻更天然元君便授中階錄  
阿母新留大洞篇雲雨已無當日夢煙霞或有夙生緣  
清齋夜禮羣星罷學鍊丹砂繡閣前

詠燈花

羞向明開向暗開芳蕤暖映照銀臺須臾爛漫都成蕊  
頃刻凋零半是煤綉幌不愁踈雨至紗窓只怕猛風來  
歌闌舞罷人歸寢一寸丹心未肯灰

懷劉貢士益恂

學館相逢意有餘青燈綠酒夜窓虛眼看世事宜高枕  
身在他鄉念遠書落日暝歸投樹鳥清潭時見避釣魚  
秋山若有蘇樵地擬結茅堂傍隱居

春日遊池州梁昭明太子廟

池陽山水郭西雄華構蕭條一半空野蘚春沿香案綠  
岩花晴照袞衣紅千年此地留遺跡六代何人有故宮  
玄圃已荒文選在令人終古仰高風

登齊山翠微亭

傷春惜別總關心愁對鶯花思不禁外地逢人偏感慨  
他鄉弔古強登臨天連秋浦帆檣遠日射晴波島嶼深  
猶有翠微遺趾在樊川佳句重南金

遊揚州繁禧觀

廣陵城下暫維舟謾向繁禧觀裏遊春日長林啼好鳥  
暖煙芳草載驛鷺柳空隋樹堤仍在花落雷塘水自流  
弔古不煩頻感慨瓊花芍藥總荒丘

濟寧州學觀漢碑

崔嵬雉堞啓重關學舍荒涼禮殿閑孔壁已傾塵半掩  
漢碑猶在字將殘庭槐入夏當憲綠野蘚經春上砌斑  
鶹泐至今餘古意摩挲竟日不知還

送林推官復任吉安二首

薊門秋早雨潺潺學服涼生暑氣闌眼底貧交如我老  
郡中廉吏似君難偶因論舊懷幽處何敢投閑戀故山  
遙想軒車重下日芙蓉開遍菊開殘

黃金臺下見歸鴻送別因君思不窮白髮庭闈千里隔

青雲冠蓋幾時同政憐出牧難為守猶喜平反獨得公  
鄉郡近來非夙昔豈無凋弊待春風

召赴北京留別靈谷定岩戒上人

長憶煙霞水石邊高僧於我最忘年栴檀樹底焚香坐  
優鉢花間掃榻眠了幻未能辭五濁觀空自可斷諸緣  
無衣無帶堪留別林下分攜一慨然

送周知縣復任句容

月淡霜清禁漏殘朝回初退紫宸班來飛葉令雲中鳥

歸省茅盈隱處山城邊棠樹應多種壁上蒲鞭只是閒  
列宿垂輝皆拱北郎星獨近太微間

送王參政之江西

東南形勝大藩雄襟帶江湖百粵通紫氣虹光牛斗上  
落霞秋水畫圖中幾年凋弊憐諸郡今日旬宣賴數公  
送別因之重懷土浦雲山雨思無窮

讀元楊仲弘詩

才名卓犖四賢同進士詩人兩萃公周鼎殷彝推范古

天機雲錦讓虞工江湖汗漫遺編在風雅蕭條大筆空  
玉樹瓊枝那可見閒花草自青紅

送毛生還鄉

積雨初乾露欲霜儒衣秋半不禁涼離離墜蔓敦瓜秀  
纂纂垂林小棗香薇省久拋邦伯印柴門最憶野人莊  
盤洲水與環洲接投老歸來掉釣航

清明日憶先妻

客裏淒涼感慨頻禁煙時節更酸辛鶯花謾濺中年淚

金華府志 卷五  
燕麥空搖異縣春德耀獨憐成薄命黠婁誰與共長貧  
難將杯酒澆荒塚腸斷東風倍愴神

庚子元日

旭日熹微散曙光忽逢元日倍沾裳久隨塵土房山卒  
曾廁煙霄粉署郎蒲柳豈知渾易老屠蘇猶憶最先嘗  
惟餘一寸丹心在絕似葵花只向陽

慶成侍燕

時署禮部事

輕霞殘雪絢朝晴又慶南郊大禮成鶴禁弘開排列仗

鸞笙低奏度新聲金花只覺簪來重寶篆頻看裏處輕  
立近紅雲清切地叨恩更比去年榮

二月二十六日欽頒天花祥雲瑞光圖至自北

京并秦中所獻玄冕余忝署禮部事陪百官致辭稱賀退而有作

柳暗花明禁樂春寶圖須瑞示廷臣雲霞燃煜天光近  
河漢昭回御墨新秦甸已看來異冕周郊又見出祥麟  
太平嘉應多如雨獻頌何人筆有神

送羅司訓考滿便道回家

嬌鶯百轉柳三眠忍向青春別客艤芳樹暖風來燕候柔桑麗日浴蠶天路經山驛逢人少家住鐸津喜地偏若向他鄉持教鐸封書好倩鯉魚傳

遊龍濟寺

暫息塵蹤泯世緣且留金地禮金仙三生石濕垂蘿雨百衲衣薰煮茗煙猛虎跑泉松戶外馴猿投果石龕前春深絕頂人稀到花落閑窓僧自禪

熊翁挽詩

看山釣水遠辭氣榮辱升沈寂不聞濁酒一瓢留客醉  
芳花樂樹許人分竹林羣從多能賦片泮諸儒每過門  
膝下有兒今白髮猶將老淚灑狐墳

次儀真入廣陵

細草新蒲綠滿洲人家多住水邊頭淮雲過雨晴猶濕  
江霧凝寒曉未收老樹數枝依野廟飛花樂片在漁舟  
誰知客子思親苦謾道青霄萬里游

徐州

煦煦平原四望通周遭官樹覆崇墉浮橋小市東西岸  
亂石奔流上下洪白鳥微茫踈雨外青山明滅斷雲中  
黃樓制作皆名筆惟有灤城賦最工

德州

江上南風起浪花江頭新柳集鳴鶴長懸雙轂牛車穩  
流水孤城雉堞斜沙燕穴巢穿斷岸汀鷗伺食立枯槎  
平原更比青原好何事行人只憶家

四月二十七日拜廣西之除賦此志喜

紫殿沈沈禁漏稀金鋪齊啓掖垣扉已知側席求賢俊  
詎料掄才到賤微選榜乍題香墨濕朝官初退軟塵飛  
南藩此去中州遠敢憚驅馳馬駒壯駒

泊祁陽縣

峭壁懸崖百轉灘奔流砥石響潺湲驛征遙指天邊樹  
詩境頻看雨後山香稻垂花當夏熟芙蓉折柄近秋殘  
自憐不及澄潭水靜照孤雲野鶴還

石期驛獨宿懷鄉

萬里驅馳負簡書桂花開遍雨晴初窓敲落葉空庭靜  
門掩殘燈古驛虛露冷踈林驚宿鳥江清遠火見歸漁  
天涯回首懷親舍欹枕無言意有餘

桂藩城樓

桂林統郡皆奇觀勝槩登臨此更多五筦雲山連越雋  
百蠻溪水匯牂牁藩垣愧乏涓埃補歲月真成漫浪過  
只把新詩當遺愛他年留與野人歌

峽山寺

峽山奇處飛來寺  
門俯澄江落木邊  
猿解賦詩悲往事  
松能托夢保餘年  
曇花貝葉高僧禪  
雨蠻煙過客船  
安得此身無繫累  
浦園共坐閱空詮

庾嶺

筍輿度盡嶺西東  
不見梅花只見松  
華扁空堂丞相廟  
寒泉枯木梵王宮  
雲連瘴影峰峰別  
水帶春聲澗澗同  
無賴山桃并野杏  
芳菲到處競新紅

重過全州湘山寺

野殿荒涼戶半開  
昔人題字已侵苔  
却憐蘭若成塵土  
那得閻浮免刲灰  
蛻骨龕中僧久寂  
留衣海上客重來  
忘情不為耽禪悅  
貪看青山日落回

送人之廣西

雕甍畫省晝沈沈  
我昔旬宣此暫臨  
五嶺地連諸郡遠  
兩江路入百蠻深  
薇花雋種應爭秀  
棠樹新裁未布陰  
父老不嫌無惠愛  
逢人猶寄別來音

寄同寅周布政

名藩共說廣西東比却中州勢更雄署列三司尊省憲  
疆連五筦壯提封承流宣化空慚我易俗移風政賴公  
無限相思山水隔幾時冠蓋可相從

解空寺

鷺嶺駝峰似削成下方雷雨上方晴傍岩高樹巢溪鶴  
隔塢疎鐘震海鯨花氣濃薰僧衲潤茶香遙沁客懷清  
幽尋未有重來日且挹風泉聽梵聲

贈商人

浩蕩江湖往復回春光秋月任徘徊翠眉斂笑歌金縷  
紅袖籠香捧玉杯贏得閑身渾未老莫教歸思苦相催  
人生行樂知能幾莫把芳心變冷灰

寄致政彭太常永年三首

長避時人友鶴羣秦淮明月蔣山雲欣逢有道辭簪紱  
贏得無家念子孫湖海詩名今已著煙霞癖性老仍存  
忘年不是朋游少知己惟應獨有君

久住天丘號羽人萬株松柏一吟身秋林掃葉安茶竈  
雨逕留苔當坐茵仙境道心同寂靜詩情字體兩清新  
相從擬學還丹訣尚恐緣應隔兩塵

未解天弢解世緣心情長寄海鷗邊松風石瀨輸孤聰  
梅月山窓憶共眠未信留侯真辟穀也知郭子託遊仙  
憑誰為起青牛老共究希夷象帝先

愛梅軒

兩株低亞小窓邊冷淡姿容夜更妍露挹清香來枕上

月分踈影到簾前郎官東閣應無夢處士西湖最有緣  
偏是年年冰雪裏孤根長自得春先

寄高道士

鬚鬚長黑鬢長青椿比年齡鶴比形藝盡名香朝碧落  
坐穿孤榻鍊黃寧松高却礙秋看月草軟偏宜夜禮星  
難挹風標徒悵望海天空濶鴈冥冥

庚戌花朝

愛閑長日掩衡門懶步芳階惜鮮痕百歲光陰將大半

一年春色又平分梨花開到簷前蕘蒲草青回石上根  
永樂初科逢此日三場正試禮闈文

晚春郊外七首

春雲春霧朝朝雨煙鑿煙禽處處泥隨水落花千片去  
隔林好鳥一雙啼筍穿苔鮮青痕破草混薰猶翠色齊  
安得更如年少日尋芳買酒郡城西

柳外輕風拂面來春忙半是杜鵑催多般野菜參差老  
幾樣林花接續開竹為近墻難迸筍松因臨水易生苔

追思往日嬉游伴聚散如雲倍可哀

九十光陰大半空減衣時候又相逢柳濃偏妬羅裙綠  
花淡還欺茜袖紅酒興已隨詩興減老懷爭及壯懷雄  
誰能不動傷春感況在千愁百病中

棟花將綻芳花稀蒲筍初生竹筍肥山鳥喚晴相對語  
園蜂趁暖作羣飛羞將艷蕊簪烏帽笑指垂楊妬綠衣  
兩兩牧童殘照裏齊吹短笛跨牛歸

青鞋布襪踏斜陽枳殼山樊撲鼻香宿草驚鷗相對白

採花蜂蝶欲爭黃圓浮水面荷錢小細裏波心荇帶長  
猶記秦淮西畔路秋千競出柳陰牆

雨外林鳩不住啼落紅狼籍半沾泥秧苗帶穀根猶淺  
麥榦垂花穗已齊鷗下只投荷葉嶼蝶飛多傍菜花畦  
青水綠山饒詩景歸路扶筇醉懶題

筆硯圖書且暫停尋芳聊傍水邊行禁煙巷陌偏傷雨  
修禊天時不厭晴堤柳折來憐色嫩野棠開處愛香清  
南朝舊日歌鐘地煙草萋迷晚照明

雲溪清趣卷

層層片片舒還卷漾漾溶溶長復消濕掛松梢晴訶雪  
曉漫沙際暖生潮孤飛出岫為霖早百折朝宗赴海遙  
光影徘徊奇絕處徵絃時向靜中調

題楊子恭先生所藏畫卷

懶尋捷徑問通津高卧南州樂隱淪姪可承桃勝有子  
田堪供祭不干人江風山月諧清興野竹溪梅作近鄰  
除却賦詩觀畫外更將何事累閑身

萬壑千岩路欲迷幽居更在亂峰西野人茅屋秋臨水  
農父村春夜隔溪霧雨山中同豹隱煙波海上共鷗樓  
續貂奉廁先親後展卷風前灑淚題

辛亥七月廿日晚出汴城南門

高槐細柳晚生涼綠蔓青蒿密覆牆蓁蓁敦爪長引蔓  
離離新黍未登場千聲到耳蛩吟切幾陣橫空鴈字長  
衰憊若容辭享祿買牛歸去種山莊

夜趨尉氏縣倦憩新倉鋪

肩輿頓撼似乘車暫憩郵亭息病軀清露清風三伏末  
殘星殘月五更初農家圃廢蓬科密野店燈明葦箔疏  
縱是黃埃兼赫日厄羸何敢憚馳驅

雨中督民捕蝗

西風吹冷雨蕭蕭駭蝻驚蝗亂擲跳高壘低原泥沒脰  
長坡漫地草齊腰鷺形餉婦鴉衣濕赤腳田翁鶴髮飄  
安得縣官皆卓茂野無螟螣稼豐饒

渭川田家

榆繞村莊柳繞垣綠陰深處啓柴門平蕪滿野牛羊卧  
落穗盈堦鳥雀喧蓑笠雨晴當戶掛機梭夜靜隔鄰聞  
餘年深覺為農好望斷南雲想故園

首山乾明寺

梵王樓殿首山陰布地銷殘劫後金香閣晝昏槐柏暗  
衲衣秋冷薜蘿深浮雲靜似高僧意流水清同長者心  
佳境獨憐難久駐暫停征騎一登臨

裕州山中即景

曉露凝寒未結霜農家禾黍喜登場千林紅葉兼黃葉  
幾樹青楊間白楊疊嶂層峰雲氣密奔流亂石澗聲長  
山深盡日行人少野菊花開著處香

光州道中

陂陀丘阜間平岡相望人家隴阪長野水陂塘來雁鶩  
村莊籬落散牛羊茨姑葉爛冬前雨枸杞苗枯露後霜  
行郡計程餘兩月冷風寒雨過浮光

途中有懷寄內

浪逐虛名鎮別離憑君莫怪乞身遲欲投組綬優游日  
須及兒童長大時世事已知閒是好病軀况與懶相宜  
黠婁已決歸田計白首耕鋤定可期

宿汝南田舍

荒原漠漠一茅茨野老相迎半白鬚道上塵埃埋馬足  
簷間窓牖翳蜘蛛絲平坡莫辨袁安塚老樹空傳李愬祠  
極目黃蒿兼白葦令人慷慨起遐思

光州公館

半消殘雪濕苔磚  
過客來稀路自偏  
木榻有塵皆鼠跡  
土牆無篆不蠅涎  
隔年春意梅知早  
大地風光柳得先  
欲訊山川與民俗  
圖經殘缺欠重編

辛亥花朝

平分春色恰相停  
處處秋千日日晴  
柳為迎風偏婀娜  
花因臨水更分明  
尋芳已負嬉游興  
對景徒添感嘆情  
猶記南宮曾獻藝  
白頭無補負恩榮

滄洲程隱君挽詩

翛然萬事不關心 日日尋僧傍竹林  
雨後幽泉隨鶴汎 座中芳醑對花斟  
秋風老圃千株橘 夜月虛窓一曲琴  
惆悵閩南空谷裏 何人還解嗣遺音

題鳬繹歸耕卷

遺榮老去喜懸車 鳩嶧山中問故廬  
數畝腴田皆種秫 一生清俸只收書  
露畦麥穗童爭拾 煙壘爪苗手自鋤  
好共鄰翁濃作社 不妨沈醉有孫扶

和秋景韻

秋風

刁騷浙颯驟添涼催得朝西綠橘黃萍藻約開渾有力  
芙蓉吹綻竟無香未飄吳苑楓千樹先隕隋堤柳數行  
送得漁舟湖面去釣絲撩亂颶波光

秋天

玉宇寥寥覆八垠琉璃滑處不生塵一痕新月梳浮黛  
五色晴霞繡展茵靈鵲有橋橫碧落仙槎無路泛青旻  
夜深濃露多如雨洗出銀河一派新

秋雲

纔逐商飈濕客襟又過蕭寺護松陰清江亂渡低連水  
紅樹輕籠懶作霖掃葉僧驚迷去路倚樓人訝失遙岑  
晚來忽起長天外頃刻濃遮日影沈

秋光

離離霜樹葉初乾野色川容總帶寒獵馬競嘶騰逸足  
羈鷹快奮展修翰黃蘆洲外斜陽渡紅蓼灣頭亂石灘  
極目園林蕭瑟甚桂花飄盡菊花殘

秋峰

黛髻螺鬟聳晚涼層巔暑退似經霜金梯近倚丹霞影  
玉洞長含紫霧香解夏林僧歸寺早趁晴樵叟入山忙  
松巢擬結高高頂靜閑人間海與桑

秋意

庚金應候雨收初一葉飄飄墜井梧苧服不宜臨水坐  
藤床已愛背風鋪衰容未入溪頭柳爽氣偏凝石眼蒲  
頗覺今朝非昨日炎涼何苦自相驅

秋聲

只訝潮音海上来  
那知風雨在高槐  
號呼奮發悲兼怒  
曲調低昂去復迴  
豈待胡笳清淚落  
寧須畫角壯心摧  
北窓況有翛翛竹  
一夜聽殘白髮催

秋色

寒鴉候雁滿晴川  
點綴郊原罨畫天  
老葉著霜潭似染  
殘荷出水不成錢  
纍纍橘柚斜陽裏  
嫋嫋芙蓉淺渚邊  
門外晚晴詩景富  
吳歌一曲採菱船

秋氣

蘋末風來拂樹林砭人肌骨冷森森銀缸向夜侵燈影  
玉塞連朝結野陰紈扇淒涼先入匣琵琶哀怨漫沾襟  
何須慷慨悲搖落呼酒香橙樹下斟

秋懷

自憐詩酒半生耽痛飲狂吟老尚堪知己更誰如鮑叔  
懷人惟我似羊曇菱花羞向燈前照菊蕊慵將客裏簪  
強欲登高望丘壑白雲迢遞隔天南

秋波

茫茫淼淼渡無舟遠浸煙莎沒盡頭綠葦叢邊拳一鷺  
白蘋花外戲雙鷗斜陽曬翹鷗飽新漲漫天舴艋浮  
漁父不知魚不食尚乘涼月坐垂釣

秋思

雙蛾長蹙怨離居不見銀箋寄到書清淚清愁孤枕上  
殘鐘殘夢五更初已無佳句題紅葉謾有餘香在繡襦  
怕近黃昏聽絡緯更堪雙杵動村墟

秋陰

拂地連天障翠微吹開渾不怕風威梧桐失影空金井  
萸菊籠香艷綺闌清晝每疑涼雨至長時只訝濕雲飛  
自從過却重陽節少見瞳瞳日色輝

秋雨

滴瀝空堦不斷鳴淋漓徹夜到天明殘荷只送蕭蕭韻  
落木仍兼颯颯聲竹榻寒驚僧夢醒松窓涼助客吟清  
杜陵屋漏無乾處喜見晨霜早放晴

秋晴

九月江湖潦水清木綿花吐雪爭明寒來處處催砧響  
社酒村村沸鼓聲禾黍郊原肥雉兔菰蒲洲渚聚鷗鷺  
遙天似鏡無纖翳只有聯翩雁影橫

秋月

白波浮出碧波晴上到天心覺倍明香霧雲鬟人搗練  
涼風露榭客調笙劉琨塞外憑欄嘯張渭湖中載酒行  
曾是廣寒攀桂手龍鍾猶想賦登瀛

秋涼

氣候蕭條漸欲霜家家整頓夾衣裳鷹爭刷翮超雲海  
鳥怯浮波立石梁濃露一宵催茉莉長風幾日悴桄榔  
吳儂只憶江南好紫蠟初肥白酒香

秋蟬


山蜩渾未覺涼生猶韻金風咽復鳴總為螳螂能愛惜  
却教蟋蟀讓淒清難諳趙瑟秦箏調慣和樵歌牧笛聲  
按盡宮商黃葉裏那能不遣客心驚

秋信

梧桐新月照空床  
紈扇西風淚數行  
好夢只隨鐘共斷  
閒愁偏與夜爭長  
最憐牛女同今夕  
却恨參商各異方  
薄命盼盼并小小  
料應不似我淒涼

秋鴈

幾陣參差度驛樓  
嚙嚙肅肅下滄洲  
涼波挽共鴛鴦浴  
煙渚晴隨鵠鷺遊  
遠去解傳邊使信  
冥飛恐墮弋人謀  
蓼花菰米瀟湘岸  
飽食何妨伴野鷗



運甓漫稿卷五